

## T.A.5.1 TWEEDE VERSLAG TYDELIKE TAAKSPAN REGTE

### 1.1 OPDRAG INSAKE GRAVAMINA:

Die vergadering het die verslag van die Ad Hoc Taakspan Gravamina na die TTR verwys aangesien dit kerkordelike implikasies het

### 1.2 BEOORDELING VAN VERSLAG

Die TTR het die verslag in behandeling geneem. Die TTR het die volgende nagegaan aan die hand van Reglement van Orde (Reglement 3) asook Reglement oor Appèlle (Reglement 19) naamlik:

#### *Reglement 3:*

*6.8 Aanbevelings van projek- en algemene taakspanne wat wysigings aan die Kerkorde en reglemente behels, word in die agenda gemerk: Vir die aandag van die Tydelike Taakspan Regte. Hierdie voorstelle word dan voor die vergadering deur die Tydelike Taakspan Regte nagegaan vir kerkregtelik bevredigende formulerings sonder uitspraak oor die beginsel vervat in die voorstel. Tydens die behandeling van die betrokke voorstel in die projek- of algemene taakspan se verslag, lewer die Tydelike Taakspan Regte advies oor die kerkregtelike aspekte daaraan verbonde.*

#### **8. REVISIE<sup>1</sup>**

*8.1 Besluite wat geneem is, mag alleen na voorafgaande kennisgewing en met die toestemming van die vergadering op 'n tyd deur die Moderatuur bepaal, in revisie geneem word.*

*8.2 Kennisgewing van revisie:*

*8.2.1 Revisie kan toegestaan word indien oortuigend aangevoer word dat*

*8.2.1.1 in die bespreking van die saak waarom dit gaan in die vergadering aan sekere aspekte daarvan glad nie of nie voldoende aandag gegee is nie; en/of*

*8.2.1.2 daar later inligting na vore gekom het wat hersiening van die besluit noodsaaklik maak.*

*8.2.2 Elke kennisgewing van revisie word na die Tydelike Taakspan Regte verwys.*

*8.2.3 Die aansoeker stel die rede(s) vir die aansoek om revisie aan die Tydelike Taakspan Regte.*

*8.2.4 Die Tydelike Taakspan Regte doen 'n aanbeveling aan die vergadering ten opsigte van elke kennisgewing van revisie.*

---

<sup>1</sup> Vergelyk ook Reglement vir Appèl en Beswaar, 1.2.

8.2.5 *Die vergadering beslis met meerderheidstem of die revisie toegestaan word. Indien toegestaan, word die saak weer oopgestel vir bespreking en kan die vergadering tot 'n ander besluit kom of die vorige besluit kan gehandhaaf word.*

## **Reglement 19**

1.1.3 **Gravamen** word gebruik om op die Algemene Sinode 'n ernstige beroep te maak om 'n beslissing in sake die leer van die Kerk.

## **2. REVISIE EN HERSIENING VAN BESLUIE**

2.1 *Besluite van dieselfde vergadering:*

2.1.1 *Wanneer kennis van revisie gegee word, kan die redes verstrekkend word waarom revisie aangevra word, maar 'n beredenering van die saak waaroor die besluit handel, word nie toegelaat nie.*

2.1.2 *Nadat kennis van revisie gegee is, besluit die vergadering of revisie toegestaan word.*

2.1.3 *Indien revisie toegestaan word, word die besluit tydens die vergadering in behandeling geneem op 'n tyd soos deur die voorsitter gereël.*

2.2 *Besluite van die verlede:*

2.2.1 *Kerkraadsvergaderings:*

*Wanneer kennis van revisie gegee word, kan die redes verstrekkend word waarom revisie aangevra word, maar 'n beredenering van die saak waaroor die besluite handel, word nie toegelaat nie.*

2.2.1.1 *Nadat kennis van revisie gegee is, besluit die vergadering of revisie toegestaan word.*

2.2.1.2 *Indien revisie toegestaan word, word die besluit by 'n volgende vergadering in behandeling geneem.*

2.2.2 *Meerdere vergaderings:*

*Besluite van meerdere vergaderings word na vooraf skriftelike kennisgewing in behandeling geneem. Verslae van kommissies en beskrywingspunte waar nuwe aanbevelings oor vorige besluite gemaak word, word geag genoegsame skriftelike kennisgewing te wees.*

2.3 *Hantering van revisie:*

2.3.1 *Wanneer die revisie behandel word, is die saak waaroor dit gaan oop vir bespreking, en word 'n voorstel en amendemente opnuut ingedien.*

2.3.2 *Indien die revisie-/hersieningsvoorstel goedgekeur is, vervang dit die vorige besluit(e).*

En

## **8. GRAVAMEN**

*Benewens die reg van appèl of beswaar kan 'n lidmaat of 'n kerkvergadering wat beswaar op grond van die Skrif, die Belydenis en/of die Kerkorde teen 'n besluit van die Algemene Sinode het, die beswaar by wyse van 'n gravamen aan die Algemene Sinode voorlê. Indien die gravamen ontvanklik is, word dit vir oorweging aan die Algemene Sinode voorgelê.*

### **1.3 BEOORDELING**

Die TTR het eerstens die verslag beoordeel aan die hand van die volgende kriteria

1. Die vergadering moet die gravamina wat ontvanklik, is oorweeg (Reg 19.8)
2. Dit moet beoordeel word dit ontvanklik is aan die hand van
  - a. Kom dit van lidmate of kerkvergadering
  - b. Is dit gegrond op die Skrif, Belydenis en/of Kerkorde
  - c. Verwys dit na 'n bepaalde besluit waarteen beswaar aangeteken word

Gevolgtrekking:

Die gravamina voldoen aan hierdie vereistes en is dus ontvanklik vir die vergadering

Verder het die TTR geoordeel of dit ter tafel geneem kan word

Verder het die TTR Reglement 3 nagegaan insake die revisie van 'n besluit, naamlik

1. Was daar vooraf 'n versoek om revisie (Reglement 3)

Verder het die TTR die implikasies bespreek sou die revisie voorstel deur die vergadering goedgekeur word, daar bespreking is. Sou die vergadering oordeel dat daar growwe en nalatige proseduriële foute gemaak is met die neem van die 2015 besluit, en die besluite word ter syde gestel, waar laat dit die vergadering?

Die TTR oordeel dat indien die vergadering die gravamina handhaaf en oordeel dat daar wel growwe en nalatige proseduriële foute gemaak is met die neem van die 2015 besluit, dit die volgende kerkordelike implikasies het:

- Die 2015 besluit ter syde gestel word
- Die besluite van 2007 en 2013 soos in die Kerkordeboek opgeneem is, dan die geldende besluite is
- Die vergadering besluit of hierdie besluite so gehandhaaf kan word en of die vergadering nuwe of ander besluite oor die saak wil neem

Indien die vergadering nie die 2015 besluit op grond proseduriële foute ter syde stel nie, is die implikasie dat:

- Die gravamina wat beswaar maak teen die leerstellige hanteer word
- Die vergadering besluit of hierdie besluite so gehandhaaf kan word en of die vergadering nuwe of ander besluite oor die saak wil neem

#### **1.4 AANBEVELING:**

**Die TTR beveel aan:**

**1.4.1 Die vergadering oordeel dat die gravamina ontvanklik is**

**1.4.2 Die vergadering staan die versoek tot revisie toe**

**1.4.3 Die vergadering oorweeg die gravamina wat ontvang is na aanleiding van die verslag van die Ad Hoc Taakspan Gravamina**

**1.4.4 Beoordeel die gravamina wat beweer dat daar proseduriële foute gemaak is tydens die neem van die 2015 besluit, aan die hand van Reglement 3 wat die orde van vergaderings bepaal soos uiteengesit in die verslag Bylaag A op p 11-27**

**1.4.5 Die vergadering neem ook tydens die bespreking die tersaaklike voorstelle, amendemente en beskrywingspunte in behandeling**

**1.4.6 Die vergadering besluit of om die vorige besluite te handhaaf, of om dit te wysig, of dit ter syde te stel of om nuwe besluite te neem**